

**Bosna i Hercegovina**  
**Federacija Bosne i Hercegovine**  
**KANTON SARAJEVO**  
**Ministarstvo unutrašnjih poslova**  
**Uprava policije**

Broj: 02-14-4-1485-21

Datum: 14.10.2019

Na osnovu člana 23. stav (3), tačka h) Zakona o unutrašnjim poslovima Kantona Sarajevo („Službene novine Kantona Sarajevo, broj 1/16, 26/19 i 31/19) i člana 70. stav (1) i (3) Zakona o javnim nabavkama („Službeni glasnik BiH”, broj 39/14), policijski komesar, d o n o s i:

**ODLUKU**  
**o izboru najpovoljnijeg ponuđača**  
**“Nabavka balističkih prsluka”**

**I**

Na osnovu Odluke, broj 02-14-4-1485, od 19.03.2019. godine, Obavještenja o nabavci, broj 16475-1-1-32-6-26/19, od 19.03.2019. godine i Ispravke obavještenja o nabavci, broj 16475-1-1-32-8-37/19, od 22.04.2019. godine, pokrenut je postupak nabavke balističkih prsluka za potrebe Uprave policije MUP-a KS.

**II**

Komisija za javnu nabavku stalnih sredstava i materijala za javni red i mir, vojnog materijala i uniforme za policijske službenike Uprave policije Ministarstva unutrašnjih poslova Kantona Sarajevo, imenovana rješenjem, broj 02/5-1-14-4-2652, od 14.05.2019. godine je shodno rezultatima vrednovanja i rang listi prihvatljivih ponuda dala preporuku da se donese Odluka o dodjeli Ugovora, grupi ponuđača Danials doo Tešanj i Koteks doo Tešanj. Ukupna vrijednost ponude iznosi: 736.155,00 KM bez PDV-a, odnosno 861.301,35 KM sa PDV-om

**III**

Po okončanju roka za žalbu, ugovorni organ će pozvati izabranog ponuđača radi zaključivanja Ugovora o javnoj nabavci, kojim će se regulisati međusobna prava i obaveze.

**IV**

Ova Odluka stupa na snagu danom donošenja.

## Obrazloženje

Na osnovu Odluke, broj 02-14-4-1485, od 19.03.2019. godine, Obavještenja o nabavci, broj 16475-1-1-32-6-26/19, od 19.03.2019. godine i Ispravke obavještenja o nabavci, broj 16475-1-1-32-8-37/19, od 22.04.2019. godine, pokrenut je postupak nabavke balističkih prsluka za potrebe Uprave policije MUP-a KS. Procijenjena vrijednost nabavke iznosi 788.400,00 KM bez PDV-a.


Prema Zapisniku sa otvaranja ponuda, Komisija konstatuje da su ponudu dostavili sljedeći ponuđači KM Trade doo Visoko i Grupa ponuđača Danials doo Tešanj i Koteks doo Tešanj.

Komisija je u postupku sačinila zapisnik o pregledu i ocjeni ponuda, broj 02-14-4-1485-14, od 05.08.2019. godine, na osnovu koga je donijeta, odluka o izboru najpovoljnijeg ponuđača, broj 02-14-4-1485-15, od 09.08.2019. godine, koja je rješenjem Kancelarije za razmatranje žalbi BiH, broj JN2-03-07-1-2250-9/19, od 26.09.2019. godine poništena.

Postupajući po rješenju Kancelarije za razmatranje žalbi BiH, broj JN2-03-07-1-2250-9/19, od 26.09.2019. godine a imajući u vidu navode iz rješenja Kancelarije za razmatranje žalbi BiH, broj JN2-03-07-1-1666-7/19, koji se odnose na prihvatljivost dokaza (potvrde o uspješnoj realizaciji ugovora, dostavljene na strani 135. ponude) Grupe ponuđača Danilas doo Tešanj i Koteks doo Tešanj, Komisija je sačinila zapisnik o pregledu i ocjeni ponuda, broj 02-14-4-1485-20, od 10.10.2019. godine, u kome je navela da ponuda grupe ponuđača Danials doo Tešanj i Koteks doo Tešanj ispunjava zahtjeve iz tenderske dokumentacije, te uz primjenu kriterijuma najniža cijena riješeno kao u dispozitivu, dok se ponuda ponuđača KM Trade doo Visoko odbacuje u skladu sa članom 68. stav (1) i stav (4) tačka i) Zakona, iz razloga što nisu dostavljeni svi dokazi vezani za ispunjavanje tehničke i profesionalne sposobnosti ponuđača, na način propisan tačkom 12. Tenderske dokumentacije, broj 02-14-4-1485/19.

### POUKA O PRAVNOM LIJEKU:

Protiv ove Odluke dopuštena je žalba koja se podnosi Ugovornom organu u roku od 10 (deset) dana od dana prijema obavještenja, a u skladu sa članom. 99. i 101. Zakona o javnim nabavkama.



### DOSTAVITI:

1. Komisiji
2. Ponuđačima
- ③ Odjeljenju za odnose s javnošću,  
radi objave na web stranici ugov. organa
4. a/a